

2008

An dr Fasnacht trifft me d'Hofa-Häxä  
mir sind eimolig und sicher nid z'wächsle  
triffsch is a denn hämmer zäme s'Fest  
denn unsri Hofa isch immer no die best

d' Jungwacht brucht Gäld und duet Auto wäsche  
das git ne e Batze in ihri Täsche  
zum d'Finanze uffrüsche e gueti Idee  
das würde mir au für die Alte im Flühbach gseh

Als Frau vo Wält schlöni mi überall dure  
es fählt jo nid an dr grosse Schnuure  
nur im Belvedere hets mr d' Sprooch verschlage  
was die Wirtin dört für grooosi Tablar cha trage

dr Summer isch nüm das woner mol gsii isch  
sisch füecht und nass, im Käller schwimme d'Fisch  
wo wän mr bloss mit all däm Wasser ane  
hän mir uns dängget und scho agfange plane  
wenn gohts denn los mit unserem Stausee  
mir warte doch scho lang dass es passiert  
als Probelauf het Laufe muesse bluete  
dä Summer duen mr ändligg d'Flühner fluete

s Brittney het zum Coiffeur welle  
will die letschte Hoor nid hän do, wie si hätte selle  
jetzt risst ere dä Figaro no eins us vo dene zwei  
jä nu, denn goht sie halt vertschupplet hei

Mi Ma sitzt spoot zobä am Stamm und dringgt 3, 5 Stange  
zum heimecho het er no gar kei Verlange  
do seit ein zuenem wenni jetzt heim gang kocht mini Frau vor Wuet  
no meint minä ..was..!?! Dini kocht no .. läck hesch's Du guet

das Johr hämmer d'EM im Land  
s bringt d' Organisatore fascht ume Verstand  
wo söll me mit all dene Hooligans hii  
machet doch e Haag um Ettige und stecket se zu dene drii

Mir Desperate Houswives hän dr Dr. House lo ko  
will Greys' Anatomie in d'Pause het miesse go.  
Denn het unsere King of Queens no d'Färnbedienig klaut  
zum Champions-League luege, do hämerem eins ghaut.  
Mr hän gwüetet as Wohnen nach Wunsch het miesse renoviere  
und d' Super Nanny Saalfrank isch ko interveniere  
dr Verstand isch Lost gange, mr hän is fascht vergässe,  
scho isch CSI und dr Monk vor dr Türe gsässe.  
Wo sen denn Sixt Feet under hän welle versorge  
und mer uns auf dr Flucht hän verborge  
het is dr Richter Hold useghaue  
damit mr nid in Knascht muen zu dene Fraue  
Nid as Dir jetzt meined mit luege Färnseh in allne Lage  
mir kenne das alles natürligg nur vom höre sage

Lang hän d' Sieg uf sich lo warte  
bim Skifahre hämmer ändligg wieder gueti Karte  
Schnee isch halt dä Schwyzer ihri Lieneschaft  
und durch d' Nase zoge, gits au ufem Tennisplatz Kraft

S'isch e Phänomen und zieht immer mehr Lütt a  
a däm Sport isch doch meini öppis dra  
an wämm das liggt, isch is jetzt au bekannt  
sisch wägem Schwingerprinz Michi wo sich räklet im Sand

